

Fascia à onorà Sènt'Ugèna

Tel santuarie sun Ciaslir don Luigi Trottnner à dit messa grana ensema ai preves de la val

Sègres - Te na giornèda tebia e da soerie, en vender ai 16 de firé la comunanza de Fascia à festejà sia

patrona Sènt'Ugèna. Da mesa les diesc preves, autoritèdes ziviles, raprezentanc politics e de

faministracions, la Musega da Vich, raprezentanc de l'Union di Ladins de Fascia, di Gropes de folclor, di

Studafèch, di Scizeres, i scolees de la populères de Vich con sia maestres e n muise de jent se à troà ló da la Capela de Vich per se envièr via en procescion fin sun Ciaslir. Canche la procescion é stata béleche sunson l col se à tacà a sentir sonèr la ciampènes che i volontadives tira amò a man, n son bel e melodious che se à sparpagnà fora per duta la val.

Te geija fè stat dantfora i salut de benvegnù del piovan don Andrea Mallati, che à dit che per seir sù l'an de recordanza di 500 egn de l'utir maor de Sènt'Ugèna ge é stat domanà a don Luigi Trottnner che l die messa grana, el che del 2017 fà fat i 55 egn de odenazion da preve.

Dintorn utèr, apede a don Luigi, fiera ence l decan de Fascia don Mario Bravin, l piovan don Andrea, don Luciano Mainini, n auter preve e n sgol de servidores vidè da Andrea Rizzi che à let ence la oracions di fidei per fascian, toutes da l'Orazional dat fora da l'Union di Ladins de Fascia.

Te sia perdicia, dita sù per fascian,

don Luigi à dit de "prear semper Sènt'Ugiana percheche podassane se defener ence noi dal diabol e l ciapar per i corgn, antramentèr sarà el che ne farà padir le tribolazion de l'infèrn." N envit che fà alarià fora soaldat ai joegn che "creit de se salvar con na vita dejonesta e zenza crenza, se lascian embarlumar dai ciarlatans e dai "encantatores de serpenç". Papa Francesch en ocazion de la giornada mondiala de la joventù tel Cile ge à dit ai joegn de esser protagonisç de sia vita: "la password da durar duc i dis cogn esser se domanar semper che che l'assa fat Geija a mie post – fà dit don Luigi. Na frase da durar duc i dis fin canche la saarede adiment." Là recordà dapò i martires che desche Sènt'Ugèna à donà sia vita per l Segnoeredio e fà dit de prear noscia Sènta Patrona percheche la ne deide a esser testimonesc del Vangele.

L Cor de geija de Vich, vidà dal maester Franco Pellegrin e didà ence da ciantores de Soraga, fà viventà la messa ciantan ence per fascian e a la fin don Luigi, belebon emorionà, con la lègremes ti eies, fà recordà canche l ja sa Sènt'Ugèna da picol con sia mère e l ge vardèa con amirazion al Bambinol sun gremen de la Madona. "Rengrazie la Madona e Sènt'Ugiana – fà dit don Luigi - percheche é abò la fortuna de vignir cassù amò nòuta con voi e spere che l Segnoeredio me dae la grazia de poder viver amò chasc momenc de gran fe e devozion." Duc ge à fat n gran batiman.

Dò messa, vejìn a la Capela de Sèn Moriz, la Musega da Vich à poetà dant vilch sonèda e la volontadives à dat foa grossol, da beiver e i biliee de la ola de la fortuna.

Monica Cigolla



Momenc de la procescion e de la messa sa Sènt'Ugèna.